



明詩正聲卷三十四 七言律詩四

廣陵

盧純學

江一夔


校閱

八月一日

鄭善夫

曲巷疎籬小苑幽
荒村獨夜竹桐秋
星河正值銷魂地
鴻鴈還過何處樓
卧病豈堪聞木葉
息機猶自着羊裘
碧霄萬里風雲氣
起傷危欄歌四愁

歲晚



明言正聲 卷之三十四
鴈去陰山白草生六邊風急翠華行玄冥天外
連霜雪上谷年來厭甲兵萬古羯胡終不滅三
吳財賦已無征漢家未罷輪臺役歲晚迢迢江
海情

吳閶

萬木蕭蕭河漢秋吳閶斜日獨登樓眼中禾黍
茅茨怨海上風塵笳鼓愁一命未忘青瑣闥幾
時還問白蘋洲燕然銅柱男兒事謾倚青萍看
斗牛

秋日病懷

南州落木歲蕭蕭薊野風烟萬里遙病後客心
惟藥物秋來人意滿雲霄平沙鴈帶三湘雨橫
浦帆歸八月潮搖落應悲楚公子不將舊業付
漁樵

萬壽日成禮奉天門

初日鴉啼楓樹林奉天高殿入蕭森衣冠况值
千秋節犬馬真懸萬國心白羽書來兵未解黃
河水落歲將陰龍旂鳳輦關山道邊事艱難風

雪深

鎮西樓次邃翁韻

唐龍

縹緲危樓百尺雄
雕甍丹柱映崆峒
月明青海烽烟斷
雲隔天山箭括通
清夜角聲悲遠塞
高秋旗影拂長空
輕裘緩帶時登眺
胡虜長驅一笑中

東原為王廷直賦

李麟

越山迢遞接蓬萊
山下平原一徑開
樹繞江流天外盡
鳥分雲影日邊來
東風道路迷芳草
殘雪溪橋見野梅
安石未應高卧久
天涯回首獨憐才

夜坐念東征將士

陸深

長河昨夜渡貔貅
兵氣如雲擁上游
大將能揮白羽扇
君王不愛紫貂裘
十二關山齊故國
百年疆域漢神州
不眠霜月聞刁斗
自倚茅堂望斗牛

南峪雨後取道上五臺

六月蕭然似晚秋
登高重整木綿裘
即看滿澗

泉初出知是前巖雨乍收碧嶂遠隨孤鳥沒白
雲常傷古松流幽芳一路無人采何處三山更
十洲

送崔義甫之任漢陽幕

孫緒

画船高岬紫綸巾白鳥翩翩柳葉新春到轉添
心戀別官卑偏覺路逡巡風生洲渚三湘水日
落江湖萬里身莫倚危檣頻北望楚鄉雲樹易
愁人

過印上人故居

安磐

振策當年詣遠公初紗相見坐從容向來彈指
空千劫今日低頭禮萬松小院影堂無客到繩
牀蒲坐有塵封可憐月色還如舊淚下西樓夜
半鐘

九日入關

王崇獻

塞水迢迢擬泛槎霜前秋色動蒹葭旋經驛館
多乘夜纔見關山似到家九月天風吹白草重
陽暮雨醉黃花郵亭困倚征鞍憩夢裡猶聞咽
暮笳

明言上卷
卷之三十四
四
鴈燈

錢琦

離離一片湘江影却作元宵幾處明
近火幸無沙漠苦向人非復雪霜聲
夜深亭館飛難起月落汀波夢不成
遊子街頭莫相訝年年長照踏歌行

金陵懷古

落木蕭蕭鴈影稀
秋風江上立斜暉
三山二水依然是萬戶
千門盡已非
商女有花歌白下
謝家無燕在烏衣
城南城北經行遍
獨傷秦淮古

月歸

晚至永濟堡

周金

鳥道縈迴夾塞門
山腰巖穴數家屯
幽深似共龍蛇蟄
峻極真疑虎豹蹲
短日旌旗空浩蕩
西風笳鼓自黃昏
故鄉南望五千里
萬壑寒雲欲斷魂

午後經忽都河涉十有八坎

客路蕭條傷水涯
滿川旌節亂雲霞
褰衣屢涉雪初霽
倚馬孤吟日未斜
極浦遙山無去鴈
古

城荒堞有啼鴉何堪飄泊同萍梗一日沙場兩
鬢華

拒馬河較閱兵馬

巡邊直度飛狐嶺較藝親臨拒馬營畫戟攢霜
迎陣出雕弓彎月向人明縱橫目下元無敵闔
闢胸中自有兵慙愧間關十餘載玉門應不負
書生

北上

韓邦靖

萬木蕭蕭共別離此行未敢卜歸期還鄉夢怯
關山遠戀土情深草樹知滿榻閒雲憐去後半
窓風雨憶當時不知別後庭前鳥還上空槐第
幾枝

到嶺呈南安季守

戴冠

歲暮他鄉傷客心南天雲日故陰陰江寒峽口
猿聲斷風落關頭鴈影深是處梅花堪送目誰
家竹葉好開襟高情唯有南州牧把劍無慙行
路吟

九日登粵秀山觀音閣

越南木落此登樓極目蒼茫萬里愁歲暮風塵
連漲海天高鴻鴈避羅浮興來對酒觀音閣病
起看花九日秋客子畏人那復道故園回首思
悠悠

春興

楊慎

最高樓上

一作遙岑樓上

俯晴川萬里登臨絕塞邊碣

石東浮三絳色秀峰西合點蒼烟天涯游子懸
雙淚海畔孤臣謫九年虛擬短衣隨李廣漢家
無事勒燕然

其二

帝里朝辭供奉班客程宵濟洞庭灣湘靈鼓瑟
清泠外鮫女鳴機縹緲間青草波光連夢澤蒼
梧雲物隔疑山故園亦有岷江水垂老生涯釣
艇閒

其三

天上風雲此際多山中日月竟如何爭傳鳴鳳
巢阿閣又見飛鴻出爵羅宣室鬼神思賈誼中
原將帥用廉頗難教遲暮從招隱擬把生涯學

醉歌

即事

西風昨夜薊門過烽火遙連鴈尾河中使漠南
傳漢令將軍馬上奏燕歌寶刀金甲防秋近白
草黃雲入塞多聞道七旬資廟略會看一雨洗
天戈

懷古

星橋南望沉犀渚雪嶺西連抱珥河關塞渺茫
魂夢隔山川迢遞別離多汀洲春雨塞芳杜茅

屋秋風帶女蘿心事未從詹尹卜生涯聊聽爨
童歌

效古塞下曲

長榆塞上接龜沙碎葉城邊建虎牙夜夜月為
青塚鏡年年雪作黑山花蘇武白頭持漢節文
姬紅淚泣胡笳可憐苜蓿迷征馬誰見蒲桃入
內家

李君偕過臯橋新居言別

沙門草閣對漁舟坐俯昆池萬里流蕭索暮途

猶浪迹登臨暇日豈銷憂阮公失路誰青眼江
令還家尚黑頭行見群英滿青瑣寧忘一老在
滄洲

唐僖宗行宮遺礎次熊尚弼侍御韻

唐帝行宮有露臺礎蓮幾度換春苔軍容再向
蠶叢狩王氣還從駱谷來萬里山川神駿老五
更風雨杜鵑哀始知蜀道蒙塵駕不及胡僧度
海盃

夜趨居庸關候駕

劉夔

恭聞仙蹕駐金山策馬奔趨夜上關絕塞風雲
來海上九天旌旆落雲間北門魚鑰叨分掌列
聖龍髯未易攀鞭弭敢辭霜雪苦空瞻鑾輅戴
星還

淮安南樓夜宴同約菴中丞張治

城上寒烏集晚晴高樓人醉月初生倚闌湖海
連天闊捲幔星河倒坐明鼓角長淮千里暮管
絃秋郭萬家聲霓裳未倦千秋興無奈江帆促
去程

已亥秋月寄升菴

張含

金馬秋風十載餘芙蓉深巷閉門居登樓莫作
依劉賦奉使曾傳諭蜀書卧病可憐天一柱獨
醒無柰楚三閭北來消息風塵動白首滄江學
釣魚

寄楊升菴

東觀聲名北斗齊鳳凰踪跡成雕題八千里外
潮陽馬十九年來海上羝銅柱薰葭鴻鴈響鏤
城煙雨鷓鴣啼連宵數有懷人夢記得分明錦

水西

牛頭山寺

齊鸞

羣山四合鍵青銅約束河流萬古東天護漢槎
迴驚嶺地無胡馬飲龍宮飯僧歲稔陽坡粟吹
客秋高瀚海風搔首次寥呼謝眺靈竒顛顛月
明中

役竣渡河

東流吾亦欲東輪猶是并州喚渡人伏岸石驕
玄獺脊排舟水壯玉龍鱗農箱入市還清野虜

帳鄰關不動塵冠蓋三年鴻雪遠正思川上小
烏巾

贈陳虛白鍊師

黃佐

飈臺羽客宴星壇四座罡風六月寒絳節曾隨
蒼水珮玄田應結紫金丹瑤池月冷飛青鳥珠
樹雲深駐綵鸞知爾蓬瀛多浪跡摩挲銅狄待
誰看

大忠祠

誰扶黃屋此長征夷夏分明萬古情百粵波濤
非帝宅兩厓風雨是天聲氣吞蛇豕頻揮劔
力盡驅馳尚請纓再拜高祠回首地滿山松桂
月微明

秋夜卧疾

西風瑟瑟到芙蓉寒入瓊樓十二重極浦雲烟
連朔雁滿城砧杵間踈鐘宮中思婦歌秋扇塞
上征人望夕烽何事文園正消渴金盤空有露
華濃

送李稚大廣右視學

吹劒當年歌昔遊十年塵夢對三洲
湘山似戟馬前出禁水如絲
天際流監祿豈知終化俗伏
波何用更封侯離筵莫奏清商曲
梧葉蕭蕭已報秋

贈陳真人

薛蕙

汝侍先皇遊帝京今年七十道初成
赤霄鸞鳳朝南極白日蛟龍下太清
丹洞紅泉流玉酒石壇瑤草變金莖
何因贈我飛仙藥便可相携海上行

歸鴈

春日燕京鴈北飛高樓獨客一沾衣
嗟予正阻滄洲去念爾翻從江漢歸
塞上風塵元自苦天邊霜雪未全稀
蹉跎却咲浮生拙飄泊休憐羽翼微

孫氏沱西別業

巴陵西來沱水深水邊樓閣自陰陰
鼉鼉晝出洞庭岸虎豹夜啼雲夢林
鼓枻乍逢漁父笑挈舟時聽越人吟
卜居何日相從去擬向桃花深

處尋

題張子醇西峰草堂

山人卜築城西郭日日西山爽氣來
細雨濛濛丹磴濕晴雲裊裊翠屏開
堦前蔓草穿書閣石上松枝覆奕臺
况有春湖可乘興他時須作泛舟迴

病夫

平生心跡重相違再到長安再乞歸
本以頑疎難偶俗不緣憂患始忘機
倦遊但謂棲遲是小隱焉知出處非
海內故人多問訊病夫新製芟荷衣

李臺南餞予辰州報恩寺留別之作

崔桐

梵宮張讌對殘曛高誼招携有使君
檻外新收千嶂雨尊前遙落五谿雲
虛堂燈影諸天寂古木寒聲獨客聞
已惜佳期情爛熳明朝惆悵若為分

金峩寺

王應鵬

暖風吹雨濕春衣春草青青入翠微僧在上方
開竹戶鶴歸深院敞雲扉潺湲碧澗空中下縹
緲丹霞嶺畔飛三十年前舊蘭若夜來香茗復
相依

許武昌邀飲西山寺中席上贈郭吳二部
使
王廷陳

軒騎並從金刹住絃歌遙向碧山聞巢邊鶴鶴
窺遊客行處漁樵識使君絕壁松杉含晚照緣
巖樓閣綴秋雲賓朋萬里過逢地惆悵風前落

葉紛

春陰

兩月陰霏苦不開一春門巷客稀來風花狼藉
惜將盡烟草微茫望欲迴萬事日非長閉戶百
年今半且銜杯江湖遠適非吾興泥淖深棲祗
自哀

贈邵格之

清江落日片帆來野老柴門向夕開四海風烟
雙短劍百年天地幾深盃圖書靜室幽人興鼓

角寒城遠客哀
賓鴻隨去住
楚雲吳岫各
徘徊

元日入觀

黃卿

玉檻堯曩一葉微
葱葱春色起璿璣
風傳韶樂標仙仗
雲約爐烟護袞衣
荒服禮同嵩岳祝
台垣光映景星輝
外臣仰激絲綸地
悵望龍池羨鳥飛

正旦即事

陳沂

帝輦時巡久未回
天門遙拜重徘徊
封箋自向慈宮進
方貢還同異國來
春轉青旂開羽仗
日臨金榜上樓臺
惟城尚在燕山外
誰獻元正萬壽盃

小至舟泊衢城下灘聲月色愴然有懷

倦客東歸一繫船
天涯行役自堪憐
空江月色孤城下
永夜灘聲獨枕前
豈有微勞酬厚祿
祇多衰病寄殘年
愁長未覺寒更減
星斗惟看直北懸

與元瑞宿永寧寺

梵宮高棟幾攀躋還傷蕭臺入舊蹊四野暮烟
人欲靜滿林寒磬鳥初棲窻間蛩語同僧寂樹
裡星光向客低此際連林那易得出門岐路各
東西

西山道院

馬汝驥

仙苑青春殿閣幽憑闌杯酒更遲留雲深疊嶂
疑無樹日映澄江似不流鑄劍城高龍自合奏
笙臺迥鳳還遊西山窈窕連東麓佳麗金陵此
十洲

渡河

大河懸東翠微中沙海烟天九曲通急浪秋翻
千樹雨安流曉挂一帆風胡秦北垞鼃鼃窟箕
尾西盤日月宮欸乃紛紛輕放舸不知估客定
漁翁

樓夜

許宗魯

樓上寒宵獨坐深漸看明月轉東林遠天聽鴈唳
搖邊思午夜鷄鳴感壯心風裏關山飄玉笛壁
間塵土暗龍鐔無才自分甘休棄敢向清時歎

陸沉

立春日汧邸春燕

應節梁園芳燕開
君王折簡召鄒枚
五辛旋出迎春菜
九醞頻稱獻壽杯
綵袖驚鴻風宛轉
玉簫吹鳳月徘徊
宮梅苑柳爭先發
不用連宵羯鼓催

寺前秋泛

湖上晴遊即鏡中
輕烟淡靄靜浮空
崖迴舟自薰葭入
塔迥雲從殿閣通
驚吹魚龍時出沒
倚筵鷗鷺晚西東
迴橈更泛桃花水
不辨秋林返照紅

送王承之南還

朱豹

燕臺九月送飛旌
漠漠霜天旅雁鳴
故國已篳黃菊酒
長亭先慰白雲情
風塵遠道三千里
江浦孤帆十二程
歸去草堂仍舊業
莫將書劍負平生

奉和大司馬晉溪王公巡邊

敖英

風滿朱旗浥露華
黃沙白草去無涯
五原金鼓

從驃騎萬里蒲萄入漢家
刁斗無聲連斥堠
胡雛有淚落清笳
籌邊樓上閑登眺
却望崑崙月影斜

閒居漫興

浦瑾

江清五月草堂寒
晞髮當軒懶着冠
石割紫雲為硯
樸竹裁青玉作漁竿
牀頭釀酒隨時漉
盞內携花近座看
病許晝眠酬短夜
日高十丈睡猶安

贈李侍御良伯還朝

周祚

玄冥萬里朔風開
繡服朝天錦纜催
日抱扶桑依閣道
雲深閭闔近蓬萊
花間白簡經時上
戶外青驄隔歲回
最是江鄉病給事
每因駐節望三台

江上送客

段金

東風新水滿城陰
落日飛花亂客心
千里夢魂京國遠
十年情事酒杯深
紫泥香暖看裁詔
玉局書成有賜金
多病不堪還此別
江干芳草獨沾襟

登北門城樓憶禁內諸公

盛端明

閒雲淡淡捲晴空
四郭青山一顧中
漁浦遙臨歸棹晚
江楓斜影夕陽紅
萬家砧杵賓鴻月
千里關河落葉風
因憶禁林秋夜直
幾迴翹首海天東

樂清道中

王健

雨晴驛路淨埃氛
鳥弄漁歌到處聞
山迥樹陰牽落照
江空帆影亂行雲
天關四面樓臺出
地脉千重洞壑分
賸愛岩亭堪把劍
洗心翻愧白鷗羣

鷗羣

胡逸人劉使君夜訪

陳明

竹屋茅堂曲巷幽
何堪仙馭下丹丘
無人再識桃源路
有客同登雪夜舟
明月隨君還自去
清樽為我更相留
蕭條湖上看秋色
十載高吟共白頭

謁文山祠

陸鈇

丞相高名字
宇宙垂螺江
合有報忠祠
運移諸葛身
殲日義盡睢陽力
竭時戎馬中原空
北渡松

杉異代尚南枝燕京碧草傷春意楚賦招魂有所思

過居庸關

樊繼祖

峭壁重巒古寨雄朔風攬轡出居庸征袍色映山霞紫寶劍光分海日紅鴈度關河晴照裏馬嘶旌戟塞雲中天城見說祲氛遠戡定誰收上將功

京師兀坐

時武廟南狩

桑溥

花飛鶯老覺春殘憂國懷鄉正倚闌八駿風催龍馭遠九關雲鎖鳳城寒金門有客瞻南斗玉殿何人正百官兀坐鈞天明月下小臣日夜望迴鑾

潼關

翟瓚

潼關才入望西京雉堞高蟠塞上城百二輿圖馮翊郡三千甲冑羽林兵龍門水落秋聲急仙掌峰懸曙色明何處征人頻駐馬秦雲隴樹正縱橫

薊州公館

陳經

木落天高塞上秋，邊城風物倦登遊。
山連西北黃雲合，地接東南碧海流。
禹貢只今通鳥道，秦關何必用蛇矛。
壯猷方叔丹心苦，不學張衡詠四愁。

將赴謫所次濮陽倪侍御飲閣閣

投荒萬里出南都，濮上停驂日欲晡。
古寨雲開穿黑米，荒村水隔指黃姑。
兒纔七歲能騎馬，僕止三人解挽弧。
行處逢迎多故舊，潮陽未必是窮途。

登蓬萊閣

浦鉉

人間無路問蓬萊，大竹山前一徑回。
吞吐鯨波淹日月，升沉蜃氣幻樓臺。
海邊漁父隨鷗狎，雲裏仙人跨鶴來。
向夕波搖星宿動，明珠歷歷掌中開。

居庸關

任淳

莫謂居庸當萬夫，可憂宣大逼羣胡。
自非充國籌邊早，安得單于外勢孤。
烽堞成墩皆細故，武功文德自宏圖。
須知定鼎幽燕意，紫氣千年奠

北樞

其二

埋輪初出居庸關關下連營盡控弦地向山腰
盤一徑人從峽口望三邊清秋半夜旄頭落白
日中軍豹尾懸按節猶聞新戰哭漢家何日勒
燕然

秋日送楊仲衡按蜀還留都

劉儲秀

蘆荻蕭蕭錦水秋一尊相送復相留曉風攬纜
黃牛峽夜雨鳴榔白鷺洲作賦揚雄傳世業上

書賈誼抱時憂懸思後會知何處目斷輕帆下

石頭

扈駕郊壇陪祀

胡侍

郊壇春蹕遶朱城上帝高居啟玉清五色幡幢
空裡見六軍組練月中明雲依黼帳成龍采樂
上瑤臺作鳳鳴望秩屢叨陪海嶽消埃何以荅
恩榮

曲江

曲江舊是濯龍川江上雲霞媚遠天簫鼓夾城

通輦道蛟鼉出水負神船佳人晚拾金堤翠彩
鳳春棲碧樹烟樂事勝遊今不再野風斜日草
芊芊

登漢武帝玄都觀

曲磴回谿數百重漢皇行幸有遺踪海西不復
來三鳥巖畔虛傳駐六龍碧露暗滋金洞草紫
雲常護石壇松便應別著登山屐策杖高尋玉
檢封

扈駕陪祭

朱壇晴雪媚春空雲從天行氣象雄八駿宛迴
黃竹路六龍遙向玉華宮爐烟半拂仙人樹
色微翻少女風應有海神來候駕南端非霧碧
冥濛

秋日園居

孫宜

江上年華九月過端居幽獨柰愁何輕霜晚色
移蘭芷細雨寒聲到芰荷彭澤豈妨沽酒數茂
陵無厭著書多他時擬更尋高隱只在青山舊
薜蘿

遊甘泉山

葉相

甘泉山色碧崔嵬
春曉登臨我獨來
翠壑萬層行處險
丹霞千里望中開
幾年空有青峰約
今日初逢濁酒杯
回首薜蘿孤寺外
滄波不斷鳥飛迴

九日俞韋庵火文津招飲觀音閣

萬里清秋向客來
江山初霽一尊開
尋幽共上千年寺
抱病重登九日臺
雲歛吳關峰色淨
風迴滄海鴈聲哀
知君不盡茱萸興
肯負乾坤濁酒杯

酒杯

明詩正聲卷三十五 七言律詩五

廣陵

盧純學

編輯

江一夔

校閱

朝謁 皇陵

周憲王

萬壑松風捲翠濤
花間晴露滴征袍
龍收夜雨歸滄海
虎帶春泥過石壕
千古袞旒藏玉匣
九重宮殿壓金鰲
橋陵謁罷頻回首
五色氤氳王氣高

濠梁驛即事

淮南淮北雨初晴幾處青山似洛城對面
今日醉看花不作少年情水衝玉峽分流急霞
映金沙夾岸明閑倚驛樓清眺處鬱葱佳氣是
神京

步虛詞二首

肅靖王

瑤壇深處磬聲微羽客朝元午夜歸杳杳三山
青鳥過翩翩雙鳥彩鳧飛島間月色明珠樹洞
裡丹光透玉扉劍珮幾回翔碧落天風吹冷六
銖衣

彩霞琪樹共氤氲七色班虬駕鶴羣玉佩冷搖
滄海月霓裳晴帶絳霄雲碧桃花綻春方永金
竈丹成火自焚清夜朝元向天闕空歌聲在始
清聞

塞上

胡蘆磧上戰初歸聞道單于已解圍夜月居延
白鴈遠秋原苜蓿紫騮肥塞長燠火鳴刁斗戍
久邊霜繡鐵衣今日承平馳羽檄鏡歌聲裡耀
兵威

其二

黃雲白草出關多，颯颯風吹積石河。
少婦愁添閨裏思，征人淚落隴頭歌。
受降城外單于獵，溫宿營邊漢使過。
強欲從軍事鞍馬，馮唐已老復如何。

送淮陰韓生遊都下

安瀝

明時獻策向君門，一飯難忘漂母恩。
千古英雄元自負，十年萍梗與誰論。
馬行北地燕山暮，鴈度西風易水昏。
他日封侯歸故里，路人爭識舊

王孫

送郭桐岡太守任黃州

才子為郎已白頭，京華朋舊總名流。
一麾遂作黃州守，兩賦爭傳赤壁游。
山色曉催征蓋早，江聲夜入郡城秋。
遙知竹馬兒童喜，遠近爭迎郭細侯。

送吳逸人東遊

睦擘

一葉輕舟向五湖，臨岐且復立斯須。
篋中舊貯吳都賦，案上新披太室圖。
自咏青春常作客，誰

憐白首尚為儒君歸倘過聊城問蹈海高風近
有無

送部北溪分憲關中

徒根

青瑣含香舊逐臣憲臺分陝拜恩新不緣關內
思黃霸應許東山借寇恂華嶽青雲迎使節函
關紫氣待真人龍門不斷黃河水倘有音書托
素鱗

賀王竹陽由史館拜臺兼以寄懷

觀煇

弘文舊館近彤闈拜領新恩著繡衣桑梓有情
增岱色草萊無徑接霜威別來故里風烟隔老
去王孫心事違為問桓君驄馬客可能乘興訪
漁磯

別詹生南歸

觀燿

淪落彌生悔壯遊武林殘月夢歸舟鄉心激切
輕千里行色蕭條重一裘枯柳尚牽離別恨凍
雲不解歲寒愁欲知此後思君處山館塵生榻
未收

送陳憲副入覲

拱樋

霜落章門歲漸寒揚旌萬里入長安紫霄新覩
蓬萊闕盡省重彈獬豸冠大漠邊聲猶跋扈中
原民力轉艱難君才况復兼文武畫笏能令
聖主懽

晚出都門登寺閣

高叔嗣

柳葉桃花雨夜乾今年寒食在長安淹留不為
依雙樹贈燈應須笑一官行出都門長日暮到
來客舍已春闌芳菲滿眼心無柰祗上昆盧閣

上看

招友人

散髮終朝偃舊林墟中無事肯相尋數家砧杵
驚秋早滿院蒿萊對夕陰多病祗堪謀藥物微
官何敢汗朝簪濁醪漸熟來同醉無限蕭條歲
暮心

飲平定孫太守宅

榆關月出滿晴暉留客芳樽盡夜歸本戀青山
辭虎竹甘垂白髮守漁磯藥闌傷戶花香入藤

樹當庭葉露微便向磻溪問衰健周王仍欲夢
熊非

龍山中行漸及幽邃

栗應宏

晴巒遠近草煙濃屨杖逍遙世外蹤采藥偶然
逢異境看雲不意入羣峰橋邊父老成黃石山
上仙翁是赤松自覺漢陰機已息茲行麋鹿遂
相從

予自燕歸欲南遊示友人

夕館逢君還自驚羸軀偃蹇復長征愁看別浦
飛鴻影坐聽前山落木聲失路長悲千里外少
年今見二毛生莫憐詞賦秋能作南向江湘吊
屈平

戎王出獵圖

傅起岩

九月西風草木黃燕山飛兔白於霜驍騰已合
三軍勢馳逐猶思百戰場金鼎割鮮供上將玉
甌和血飲名王閑支小隊穹廬出亦向天邊射
鴈行

登麾虜臺東朱清泉搃兵

李仁

飛幕凌虛坐暝烟登臨風物感流年防秋戍繞
青山郭牧馬人歸白水川曠野高寒弓力健亭
臺突兀角聲連麾前自有雲龍陣管使胡塵不
近邊

致仕出京馬上言

文徵明

白髮蕭疎老秘書倦游零落病相如三年虛索
長安米一日歸乘下澤車坐落西山朝氣爽夢
回東壁夜窓虛玉蘭堂下秋風早幽竹黃花不
負余

閶門夜泊

閶闔城西暮雨收西虹橋下水爭流蒼茫野色
千山隱突兀寒烟萬堞浮燈火旗亭喧夜市月
明歌吹滿江樓烏啼不復當時景依舊鐘聲到
客舟

雨中放朝

霏微芳潤浥霓旌歷亂丹墀散履聲暝色浮烟
迷左掖碧雲將雨近西清柳垂青瑣千絲重水
落銀橋萬玉鳴沾洒不辭袍袖濕天街塵淨馬

蹄輕

過桑乾河入雲中

蔡駿

白草黃沙漠使稀桑乾渡馬駐斜暉孤城雉堞
依危嶂古戍狼烟起翠微入夜角聲驚客夢凌
風霜氣裂征衣雲州一望天連水惟見山頭朔
鴈飛

風雨苦寒訊豐存禮

張時徹

悲風颯颯雨淒淒寂寞茅齋書掩扉載酒有誰
來問字授餐空復念無衣漁舟自照孤燈宿林
鳥爭尋灌木歸莫怪袁安偏穩卧年來應息漢
陰機

良甫姪以詩為壽次韻自賦

卜居元傍水雲村樵唱漁歌日到門林外已無
車馬至人間空有姓名存休將歲月傷蓬髮漫
引烟霞入酒尊海上仙朋如可即乘槎直擬到
崑崙

閒居漫賦

湖上層樓瞰紫霄手栽蘭桂滿亭臯閒從方外

尋靈藥醉向尊前賦寶刀碧沼簾櫳寒夜月滄
江風雨亂春濤欲知仲蔚幽棲地門外蓬蒿積
漸高

呂山人歸自燕秦次韻酬贈

少室蓬萊何處尋幽居偏動遠遊心天涯芳草
春無限海上仙槎興轉深燕市放歌秋月白秦
關長望朔雲陰歸來歲晚悲搖落慷慨時為梁
父吟

送宋太僕赴甘肅

顧夢圭

酒泉張掖古邊州節鉞西行是壯遊羌管胡笳
千磧月黃沙白草萬山秋玉關漸茁龍媒種麟
閣應圖燕頷侯莫謂地偏堪吏隱故人臨別贈
吳鈞

京邸逢故人

馮世雍

花時離別漢陽江草色逢君又異鄉下馬獨驚
新白髮開尊時話舊青囊墓田歲晚應供祭井
邑年來每報荒細雨踈燈疑夢寐十年塵事淚
千行

過洞庭

楚客驅車過洞庭
天風颯颯吹湘靈
斜陽欲盡亂山碧
別浦遠望飛烟青
南荒征旆倚明月
東郭草堂虛翠屏
浮槎萬里泛牛斗
劔光白日空秋冥

大同城登乾樓

蘇祐

高城登眺俯雲州
水抱紇干山下流
紫塞應餘秦鬼哭
朱旗常閃漢兵愁
悲歌王粲寧懷土
長嘯劉琨故倚樓
烟火萬家今代北
勳名諸將更何求

扈駕西山游碧雲寺東諸寮案

崎嶇細路掩雙松
宛轉流泉噴玉龍
夕照倒垂青薜荔
春陰高結翠芙蓉
鳥聲欲變中峰樹
鶴夢常醒下界鐘
不共仙曹同扈蹕
歸依誰見五雲從

奉送撫臺後菴李公謝病東歸

鴈門關外羽書稀
歸客乘春賦采薇
送別早知全晚節
攀留今喜遂初衣
龍蟠谷口雲應濕
鶴

警松陰露未晞猶是宵衣西
半謾倚釣
魚磯

寄李西吾

音塵一別阻關河坐念人間岐路多
節鉞有期瞻燕頤簡書無柰促離歌
三秋月繫清宵夢千里霜沉紫塞
戈倒馬蜚狐勞望眼恒山雲樹日
嵯峨

送梁思伯奉使便道歸嶺南
高城

沉沉宮漏夜霏微風洒離愁動客衣
仙掌乍分

秋色去征帆遙帶月明歸路經庾嶺
啼猿急天入衡陽旅鴈稀尊酒薊門
歡賞地共君何日采芳菲

中秋集張子畏宅

風吹明月散千家漢闕金莖綴露華
砧杵秋聲連鴈塞關山夜色滿龍沙
元規興劇南樓宴博望名縣北斗槎
白髮高堂今夕夢應憐游子滯天涯

送張駕部憲使赴四川

高城鼓角動秋聲萬里憐君擁傳行巫峽雲烟
詞客興巴山風雪故人情壯心豈謂燕臺迴清
世還看蜀道平魚腹陣圖遺跡在相逢他日聽
論兵

送徐荊州

中原形勝古荊州露冕看君此壯遊十載共淹
長樂漏一麾今賦仲宣樓雲開夢澤浮空盡天
倒巴江入楚流應念故人頭盡白風塵獨自滯
貂裘

羅戶部使黔蜀

長缺清尊賦遠征燕臺冰雪不勝情關山萬里
勞輸輓天地頻年苦甲兵飛蓋曉星連劍閣孤
槎秋水泛昆明當時王馬風流藉復爾雲霄重
此行

陳憲卿兵備井陘

大漠雲生接太行鳴蟬芳草動離觴十年帷幄
籌邊苦此日旌旗出塞長天作重關嚴虎豹人
從三輔避風霜高秋泚水寒烟盡為訪淮陰舊

戰場

蓬萊閣望海

谷繼宗

蓬萊閣上海雲平一望扶桑萬里晴
神女弄珠朝捧日仙人騎鶴夜吹笙
天連浪起渾無地月送潮來暗入城
此處祇疑逢象罔何須塵外覓
登瀛

題顧少參西館玉蘭

陸郊

寂歷山齋午夜寒盈盈帶月倚朱闌
謝庭有樹方攢玉楚澤先秋已佩蘭
香度瓊樓風乍轉光

素冠
搖仙掌露初溥逢君况是栖霞客
未使緇塵染

伊闕

樊鵬

雙闕龍門開碧天分流伊水下長川
山圍城郭千峰入石擁樓臺萬象懸
雲裡寒聲傳法磬雨中瀑布掛香泉
登臨西北重回首禹鑿神功何
宵然

寄趙景仁是日適有邊報

屠應峻

朔氣陰陰晝不分逐臣消息苦難聞
幾時定卜

空同室盡日遙瞻太白雲三鎮尚淹秦戍士五
原重下漢將軍愁心萬里隨天譴為折梅花一
寄君

讀史

張鉉

汾河簫鼓集樓船萬里巡遊瀚海邊但慕蓬山
還弱水豈知烽火達甘泉侍臣只奏凌雲賦詞
客虜傳出塞篇日暮五陵原上草古今回首一
潸然

南薰門樓晚眺

謝少南

故城樓觀晚登臨風起秋空散夕陰砥柱東來
滄海近嵩丘南去碧雲深極天榛莽悲鴻鴈滿
地兵戈歎陸沉短髯正逢搖落日不堪遺恨問
遼金

寄王侍御敬止侍御吳人產于燕使朝鮮
賜麟服後以直道謫崖州今老于吳

王寵

宮袍錯落紫麒麟曾是先皇法從臣海外文
章傳諫草天南魑魅識星辰荆蠻流寓真吾土

燕趙悲歌見古人
綠水名園春更好
挈壺花下伴垂綸

夏日草堂撤去窓戶肆設簟几清風洞越
藤竹交蔭悠然有得作

錦石踈花暑自清
翠岩丹壑夏雲生
已添海燕梁間語
直看湖帆鏡裏行
四壁驚風絃索響
千林脩竹簟紋明
令人却憶王車騎
更覺西山爽氣橫

湘江望岳陽有感

高應冕

湘川遙帶岳陽樓
江水滄溟日夜流
島嶼遠含巴甸月
風烟近接洞庭秋
采蘭未返孤臣恨
鼓瑟空餘二女愁
回首白雲無限思
數聲寒鴈又滄洲

舟宿湘江

潮落空江兩岸流
蕭蕭汀葦繫行舟
九疑雲盡殘陽暮
二女祠荒古木秋
旅况不成蒼鹿夢
鄉心還寄白蘋洲
明朝又向芙蓉國
衰髮經年帶遠愁

送傅給事使琉球

吳子孝

聖明新詔賁窮荒
玉節金符下建章
萬里春風隨斗柄
九天帆影落扶桑
山川盡入明王貢
笳鼓先令海若藏
暫慰遠人歸欲早
紫除青瑣待回翔

望居庸

王慎中

設險真誇六郡雄
天山九塞有居庸
山連白馬懸胡月
寨壓黃花起朔風
未有捷書飛大內
尚聞獵火照雲中
北平飛將今誰是
芻輓東南已

缺供

高皇帝舊苑

千門臺殿碧波流
咽盡寒聲出御溝
天上橋山仙馭遠
人間員嶠禁城幽
花飛不記當筵舞
魚老曾經聽樂遊
垂柳依微春不展
為思恩幸總含愁

送郭世重出南寧

朗寧荒絕不堪栖
遊客思鄉轉路迷
千嶺驟昏如瘴起
四時不斷有猿啼
編氓半見右蠻洞行

路相看避惡溪十載播遷仍寘遠好憑鬼卜問
南雞

秋興

田汝霖

西山龍藏鬱嶺岼聞說先皇此駐鑾百道泉光
飛寶地萬年松影靜瑤壇綺羅香寢天花落劍
佩聲沉曙月寒玉藥瓊枝長不老空餘輦路石
漫漫

其二

西苑迢迢隔絳河遙瞻禁籞渺烟波天臨偏甸
開仙仗日下平蕪散玉珂宮漏謾從三殿報爐
煙別向九霄多龍池會有承恩處誰唱清平第
一歌

贈相公

唐順之

帷中運策九州清共說留侯在漢京賜第近連
平樂觀入朝新給羽林兵儒生東閣承顏色酋
長西番識姓名却望上台多氣象年年多傍紫
宸明

趙州懷古

千秋霸業消沉盡風俗猶傳漢武靈市上美人
揮錦瑟場中俠客舞青萍鴈門北去通沙磧鳥
道西來入井陘欲向平原訪公子蕭蕭賓館戶
長扃

朱仙鎮觀岳將軍廟

丹青畫壁閃旌旗想像勤王轉戰時黃屋未歸
南狩駕金牌已罷北征師平蕪漠漠前朝隲曠
野陰陰暮鳥悲唯有西湖原上樹春來猶發向
南枝

聞復官報寄京師友人

姓名不復挂朝簪魚鳥由來性所耽篋裡符經
都已廢山中藥草漸能諳踈狂自分三宜黜懶
病其如七不堪深謝故人推轂意莫將陽羨比
終南

元夕詠冰燈

正憐火樹闌春妍忽見清暉映夜闌出海蛟珠
猶帶水滿堂羅袖欲生寒燭花不礙空中影暈
氣疑從月裏看為語東風暫相借來宵還得盡

餘歡

謁賈太傅祠

沈愷

偶過長沙思欲飛洛陽年少竟何依漢庭一疏
空肝膽野史千年有是非豈謂文章憎命達獨
憐風節與時違謫居此地終祠廟湘水寒烟幾
夕暉

揚太僕携酒過西庄訪劉使君作

陳東

南國清秋見早鴻西莊載酒近幽叢天書遠借

青驪客地主初逢白兔公入戶水光搖几席繞
門山色滿房櫳取醉不辭歸後夜移尊還向月
明中

泊淮答唐應德

十年生事半同君萬里傷心逐楚雲遠浦維舟
潮欲上平林對酒夜初分逢人牛馬時堪應到
處鳧鷖漸作羣共是機情忘已盡欲將通塞任
斯文

遊無相寺

倪嵩

明言正聲 卷之三十五
螭龍殿閣倚雲浮萬疊青山是舊游路繞峰陰
禪院寂水涵天影寺門秋香花泥露傳清磬寶
葉分風下碧流千載御題猶在壁至今文物擬
皇州

聞邊報

任瀚

青雲鼓角振邊畿紫塞烽烟赤羽飛北道將軍
揮戰血中興天子御戎衣三秋瀚海風傳檄萬
馬陰山夜破圍顛奪單于不受賞功成歸隱釣
魚磯

聞雷

唐詩

白龍祠下雲不開白鶴峯前雨欲來冥冥不覺
千山暮隱隱俄驚十月雷江城木葉下更急洲
渚鴻雁聲俱哀閉門抱病可憐客人事天時愁
併催

送陸山人

陳堯

山城木落送將歸吳下才名有陸機吟苦漸看
生白髮酒酣常欲卧雲衣家園屈指黃柑熟客
路驚心白雁飛君到江南見雙鯉莫因天遠寄

書稀

再登靖虜城

于玘

靖虜城邊河水流胡兒隄岸語啾啾
洪濤一葦分天塹帶甲千年拱
帝州南鴈逢秋隨日去東人久客為誰留
蒼山落日鳴笳鼓孤劍長吟對白頭

會寧道中

古戍荒原起暮塵郵亭繫馬及殘春
烽烟未報涼州捷菜色那看隴地貧
醫國自期羞向日洗

兵有待屬何人丈夫利劍不在掌
竚望鄉關淚灑頻

天池寺夜坐

王鶴

縹緲天池俯翠微藤蘿穿盡見禪扉
閒雲依砌僧初定落日歸林鳥倦飛
光射碧空山吐月寒生白紵露沾衣
風塵屈指中年事愧殺青山不肯歸

夜宿武夷觀不果遊

張謙

洞簫吹徹萬年宮九曲烟霞阻未逢
十載風塵

明詩正聲
卷之三十五
三
滄海外幾宵魂夢白雲中壇空影落藤蘿月夜
靜聲傳松栢風明燄征車更前路何時幽谷寄
塵踪

送邵太守赴養利

胡思忠

乾坤五馬一麾遙渚草汀花共寂寥旌節曉看
衝朔霧樓船秋喜泛江潮萬家烟火蠻夷靖千
里風霜瘴癘銷知尔此身堪報主豈因岐路歎
蓬飄

明詩正聲卷三十五

